



INSTRUCCIÓN	
CÓDIGO	I/SEG/11/23
DE:	Subdirección Xeral de Programas de Control de Riscos Ambientais para a Saúde
A:	Xefaturas Territoriais da Consellería de Sanidade
DESTINATARIOS	Xefaturas dos Servizos de Control de Riscos Ambientais Xefaturas das zonas veterinarias de Saúde Pública DTSIA responsables supervisión matadoiros Inspectores veterinarios de saúde pública de matadoiros
VIXENCIA	
ASUNTO: Comunicación de non conformidades sobre a aptitude para o transporte en animais recepcionados no matadoiro	

BASE REGULATORIA

O Regulamento (UE) 2017/625 do Parlamento Europeo e do Consello, do 15 de marzo de 2017, sobre controis oficiais, establece que cando a responsabilidade de organizar ou de realizar os controis oficiais ou outras actividades oficiais están atribuídas a máis dunha autoridade competente, o Estado membro ten que garantir unha coordinación eficiente e eficaz entre todas as autoridades involucradas, así como a coherencia e a eficacia dos controis oficiais ou outras actividades oficiais no seu territorio.

O Regulamento (CE) nº 1099/2009, do Consello do 24 de setembro, relativo á protección dos animais no momento da matanza constitúe o marco normativo a nivel comunitario polo cal se establecen os requisitos específicos que o operador da empresa alimentaria debe cumprir para poder garantir o benestar dos animais no momento do seu sacrificio.

O Regulamento (CE) 1/2005 sobre protección animal durante o transporte e operacións conexas, no seu Anexo I, Cap. I, fai referencia a que só poderán transportarse os animais aptos para efectuar a viaxe prevista en condicións tales que non poidan resultar feridos ou padecer sufrimentos innecesarios.

Tamén se especifica que os animais que presenten lesións, problemas fisiolóxicos ou un proceso patolóxico non se considerarán aptos para o transporte.

A nivel nacional, a Lei 32/2007, do 7 de novembro, para o coidado dos animais, na súa explotación, transporte, experimentación e sacrificio, regula os aspectos máis relevantes sobre o sacrificio dos animais e o correspondente réxime sancionador en caso de incumprimento da normativa de benestar animal. Doutra banda, de acordo á lexislación da Unión



en relación coa cadea agroalimentaria, as autoridades competentes dos Estados membros son responsables dunha serie de tarefas especializadas destinadas a protexer a saúde animal, a sanidade vexetal e o benestar dos animais.

Neste sentido, o Regulamento (UE) 2017/625, do 15 de marzo e o Regulamento de Execución (UE) 2019/627, do 15 de marzo establecen a obrigatoriedade de efectuar, por parte do SVO, unha serie de controis en materia de benestar animal nos matadoiros.

Á súa vez, o Regulamento de Execución (UE) 2019/627 establece que se comprobará que se cumpren as normas relativas á protección dos animais durante o transporte de conformidade co Regulamento (CE) n° 1/2005, e no momento da matanza, de conformidade co Regulamento (CE) n° 1099/2009, e as normas nacionais sobre o benestar dos animais. A este respecto, a normativa básica nacional é o Real Decreto 348/2000, do 10 de marzo, polo que se incorpora ao ordenamento xurídico a Directiva 98/58/CE, relativa á protección dos animais nas explotacións gandeiras aínda que tamén hai outras normas nacionais para algunhas especies e en función do sistema de produción das mesmas.

O Regulamento de Execución (UE) 2019/627 tamén recolle as medidas relativas á comunicación dos resultados dos controis oficiais, así como as medidas en caso de incumprimento dos requisitos relativos ao benestar dos animais. O Real Decreto 348/2000, do 10 de marzo, establece que os propietarios e criadores de animais nas explotacións gandeiras terán a obrigaón de adoptar as medidas adecuadas para asegurar o benestar dos animais con vistas a garantir que estes non padezan dores, sufrimentos nin danos inútiles.

O Real Decreto 990/2022, do 29 de novembro, sobre normas de sanidade e protección animal durante o transporte, que establece disposicións de aplicación do Regulamento (CE) n.º 1/2005, e da Lei 8/2003, do 24 de abril, de sanidade animal, no relativo ao transporte de animais.

As auditorías da Comisión Europea (Unidade de Auditorías e Análises de Saúde e Seguridade Alimentaria, Health and food audits and analysis) levadas a cabo para avaliar os sistemas de control oficial da normativa vixente, puxeron de manifesto en numerosas ocasións (DG(SANCO) 2014-7079; DG(SANTE) 2017-6126; DG(SANTE) 2021-7191), que en España é necesario mellorar nos procedementos de comunicación relativos a cuestións de benestar animal entre os distintos departamentos e autoridades competentes involucradas

OBXETIVO

Esta instrución ten por obxecto a comunicación dos incumprimentos sobre o benestar animal en canto á aptitude para o transporte ao matadoiro dos animais de abasto, especialmente a daqueles que, de acordo co Regulamento (CE) 1/2005, trasládense ao matadoiro e presenten lesións ou enfermidades polas que o seu transporte pode dar lugar a sufrimentos adicionais.



DESENVOLVEMENTO

Os Servizos Veterinarios Oficiais na inspección antemorten examinarán a aptitude para o transporte dos animais, no caso de detectaren de animais non aptos para o transporte, levantarán Acta do ocorrido para a súa remisión ás Autoridades Competentes en materia de transporte.

Poderase consultar a avaliación de aptitude para o transporte no epígrafe de Vetmaga/ bienestar animal/control veterinario oficial/pnt's aesan

COMUNICACIÓN DO ACTA

No caso de detectaren incumprimentos procederase á comunicación inmediata á Xefatura Territorial, quen á súa vez a remitira a Subdirección Xeral de Programas de Control de Riscos Ambientais para a Saúde para a súa valoración e envío á Subdirección Xeral de Ganadería. Os documentos a enviar son:

- Acta oficial cos feitos
- Anexo I Comunicación de Non Conformidades sobre a aptitude para o transporte.

Poderá ser añadido todo o que se considere útil para a investigación (fotos etc)

Santiago de Compostela, a data da sinatura dixital
A subdirectora xeral de Programas de Control de Riscos Ambientais para a Saúde

Inés Mato Naveira





ANEXO I-COMUNICACION DE NON CONFORMIDADES SOBRE A APTITUDE PARA O TRANSPORTE EN ANIMAIS RECEPCIONADOS NO MATADOIRO

MATADOIRO:	
DATA DE CHEGADA DO ANIMAL AO MATADOIRO:	
DATA DE DETECCIÓN DO INCUMPRIMENTO:	
LUGAR DA DETECCIÓN:	VEHÍCULO ☐
	DESCARGA ☐
	CORTES ☐
Nº TOTAL DE ANIMAIS TRASLADADOS NO VEHÍCULO NO QUE SE DETECTOU A NON CONFORMIDADE	
DATOS DO PROPIETARIO DO ANIMAL	
APELLIDOS E NOME	
CÓDIGO REGA	
DATOS DO TRANSPORTISTA	
APELLIDOS E NOME	
MATRÍCULA DO CAMIÓN	
DATOS DO ANIMAL	
ESPECIE	
IDADE	
IDENTIFICACIÓN	
INFORMACIÓN DA SITUACIÓN DO ANIMAL Á CHEGADA	
☐ de pé	☐ febril ☐ outros (especificar):
☐ decúbito	☐ ataxia ☐ claudicacións
☐ fatigado	☐ incapacidade para moverse ou desprazarse sen axuda
DIAGNÓSTICO PRESUNTO QUE DETERMINOU A INAPTITUDE PARA O TRANSPORTE	
☐ prolapso uterino	☐ caquexia/enfermidade crónica
☐ presenza ferida aberta grave	☐ traumatismos
☐ decúbito postparto	outras (especificar):
☐ lesións podais graves	
DESCRIPCIÓN EXACTA ESTADO DO ANIMAL E DECISIÓN EN RELACIÓN CO ANIMAL OU A CANAL:	
OBSERVACIÓNS:	
DATA: <u> </u> / <u> </u> / <u> </u> 202 <u> </u>	

